



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՎԱՅՈՑ ՁՈՐԻ ՄԱՐԶՊԵՏ

Ո Ր Ո Շ ՈՒ Մ N 248-Ա

«23» ՕԳՈՍՏՈՍԻ 2024Թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՅՈՑ ՁՈՐԻ ՄԱՐԶՈՒՄ ՑՈՒՑԱԴՐԱԿԱՆ ՀԱՏՈՒԿ ՏԱԿՏԻԿԱԿԱՆ ՈՒՍՈՒՄՆԱՎԱՐԺՈՒԹՅՈՒՆ ԱՆՑԿԱՑՆԵԼՈՒ ՄԱՍԻՆ

Ղեկավարվելով «Տարածքային կառավարման մասին» օրենքի 5-րդ հոդվածի 3-րդ մասով, 19-րդ հոդվածի 1-ին մասի 2-րդ կետով, Հայաստանի Հանրապետության կառավարության 2015 թվականի հունվարի 22-ի թիվ 46-Ն որոշմամբ հաստատված թիվ 2 հավելվածի 3-րդ կետով, հիմք ընդունելով Հայաստանի Հանրապետության Վայոց ձորի մարզպետի 2023 թվականի դեկտեմբերի 15-ի թիվ 289-Լ որոշման «ՀՀ Վայոց ձորի մարզի բնակչության պաշտպանության և քաղաքացիական պաշտպանության համակարգերի նախապատրաստման 2024թ. հիմնական միջոցառումների» պլանի թիվ 1 հավելվածի 5.2.1 կետը՝

Որոշում եմ՝

1. 2024 թվականի սեպտեմբերի 11-ին Հայաստանի Հանրապետության Վայոց ձորի մարզում անցկացնել ցուցադրական հատուկ տակտիկական ուսումնավարություն «Հրդեհաշիջման, որոնողափրկարարական և վթարավերականգնողական աշխատանքների իրականացումը դպրոցի մասնակի փլուզված մասնաշենքում» թեմայով:

2. Նշանակել՝

1) ուսումնավարության ղեկավար, Վայոց ձորի մարզային փրկարարական վարչության պետ, փ/ծ գնդապետ Հ. Սարգսյանին.

2) ուսումնավարժության ղեկավարման շտաբի պետ՝ Վայոց ձորի մարզային փրկարարական վարչության պետի տեղակալ, փ/ծ գնդապետ Հ. Մարգարյանին.

3. Ստեղծել ուսումնավարժության ղեկավարման շտաբ հետևյալ կազմով.

1) խաղարկման խումբ.

ա. խմբի ղեկավար, Վայոց ձորի մարզային փրկարարական վարչության Եղեգնաձորի հրշեջ փրկարարական ջոկատի հրամանատար, փ/ծ փոխգնդապետ Ս. Հարությունյան.

բ. խմբի անդամ, Վայոց ձորի մարզային փրկարարական վարչության Եղեգնաձորի հրշեջ փրկարարական ջոկատի հերթափոխի պետ, փ/ծ ավագ Հ. Բաբլոյան.

2) վերլուծության նախապատրաստման խումբ.

ա. խմբի ղեկավար, Վայոց ձորի մարզային փրկարարական վարչության բնակչության պաշտպանության բաժնի պետ, փ/ծ փոխգնդապետ Վ. Գրիգորյան.

բ. խմբի անդամ, Վայոց ձորի մարզային փրկարարական վարչության բնակչության պաշտպանության բաժնի ավագ հրահանգիչ, փ/ծ մայոր Ա. Մուրադյան.

4. Ուսումնավարժությանը ներգրավվել՝

1) Վայոց ձորի մարզային փրկարարական վարչությանը

2) Եղեգնաձորի թիվ 1 հիմնական դպրոցի անձնակազմը.

3) <<Գազպրոմ Արմենիա>> ՓԲԸ <<Վայոց ձոր>> ԳԳՄ Եղեգնաձորի տարածքային տեղամասը.

4) << ոստիկանության Վայոց ձորի մարզային վարչության Եղեգնաձորի բաժինը.

5) <<ՀԷՑ>> ՓԲԸ Եղեգնաձորի տեղամասը.

6) Եղեգնաձորի բժշկական կենտրոնը.

7) ԿԽԸ Վայոց ձորի մարզի մասնաճյուղի արագ արձագանքման թիմը:

5. Ուսումնավարժության ղեկավարման շտաբի պետ՝ Հ. Մարգարյանին

1) ապահովել անցկացման փաստաթղթերի ժամանակին մշակումը և մինչև 2024թ. օգոստոսի 26-ը ներկայացնել հաստատման:

2) ապահովել համագործակցությունը ուսումնավարժության մասնակիցների հետ ուսումնավարժության անցկացման հարցերով.

6. Ուսումնավարժության մասնակիցներին՝

1) պատրաստ վիճակի բերել ուժերն ու միջոցները, համալրել ստորաբաժանումները գույքով, սարքավորումներով և տեխնիկայով.


2) ուսումնավարժության նախապատրաստման հարցերով համագործակցել ուսումնավարժության ղեկավարման շտաբի հետ.

3) ուսումնավարժության ընթացքում պահպանել անվտանգության կանոնների պահանջների կատարումը.

4) պատրաստ լինել ուսումնավարժության ղեկավարին զեկուցելու ուսումնավարժության ընթացքում կատարված միջոցառումների մասին:

7.Սույն որոշման կատարման հսկողությունը դնել ուսումնավարժության ղեկավար, Վայոց ձորի մարզային փրկարարական վարչության պետ, փ/ծ գնդապետ Հ. Սարգսյանի վրա:

8. Սույն որոշումը տրամադրել ուսումնավարժության մասնակիցներին:

 Recoverable Signature

X

2024-08-20 09:27:18 զտվւմ
Կոնֆորմացիոն 3 150/1/18 արմուկ



Signed by: KOLYA MIKAELIAN 3507670100

Կ. ՄԻՔԱԵԼՅԱՆ

ք. Եղեգնաձոր